

桂陽縣志

Lib 272.10

Lib 272.10

38

12

皇言

第壹册

序凡例

星野與編

同治丁卯

桂

陽

縣

志

重修桂陽縣志序

桂陽號郴之上游昔周子濂溪曾合於此爲昔賢過化存神之地丙寅夏余奉檄來宰是邑景仰前賢甫下車亟欲叅稽故事以備觀省而謹步趨乃縣志已無存者遍爲搜羅於殘篇斷簡中補苴綴拾越牛載乃得全志而披覽焉蓋桂邑迭經兵燹縉紳士族流離播遷故縣志蕩然無存其存者又蠹蝕鼠侵半歸漫漶慨然者久之會 上憲修苴湖南省志檄令將縣志申賚

桂陽縣志

新序

並會學紳悉心採訪前任翟公秉樞移學全辨尙無成議旋卽去任而余適承乏斯邑爰集諸紳籌議舉人朱炳元職員黃仲雁等概以爲任集賢重修余蒞事之暇相與叅互考證訂訛補缺頓還其觀舊志補苴甫竣新者尙資博採未及續入余又解任諸紳請序於余余以未觀厥成辭諸紳固請爲序其顛末如此抑余更有望也昔韓子贈郴人之序曰衡之南八九百里地益高山益峻水清而益駛清淑之所鬱積必有



魁竒忠信才德之民生其間則桂陽之風土人  
物見重於前賢久矣茲諸君子汲汲修志非徒  
備文獻資掌故也固將思韓子之言服周子之  
教馴至人才之薈萃爲邑乘光是則諸君子之  
志而亦余之厚望也夫至於志中之綱領前乎  
此者卓有規模續纂之去留後乎此者宜慎編  
輯俱不贅

大清同治六年歲次丁卯孟秋月穀旦

欽加藍翎知州銜署湖南直隸郴州桂陽縣事坐

補宜章縣知縣錢紹文撰

續修桂陽縣志序

邑志修於前明詳畧固殊

國朝乾隆初踵而增之嘉慶末恢而廣之迄今近五十年矣前大令翟奉通飭重修札倡設局彙纂議旋經錢大令酌派紳耆遵札辦理閱六月錢卸篆去余來權是邑甫下車卽商同學博並邑人士復約其均照 憲訂條款章程茲幸編補就叙因問序於余竊惟志之輯也固卽周禮一書釋其緒也志

詔諭美哉非八柄八統之綱維乎志郡譜沿革美哉非九服五服之殊規乎志天文分野美哉是保章氏掌分星辨土也志城垣池澮美哉是匠遂人區阿隅溝洫也志形勝美哉大司徒風雨之所會志山川美哉職方氏鎮浸之所逮志風俗美哉合方通其情志食貨美哉太府要其成志祀典思深哉大宗伯典禮樂也志祠署於鑠哉大司空工圖度也志惠政懷哉地官救萬民乎猶見十二荒政之遺焉志學校廣哉庠塾育俊

秀乎尙塵十四讀瀆之意焉志武備壯哉鼓鐸  
獨饒之用車旗戈甲之儲洵樹司馬聲威矣志  
選舉丕哉孝友睦姻之誼射御書數之嫻堪膺  
鄉老賓興矣志循良不愧冢宰詔爵予志人物  
無慚保氏廸道藝志列女依然內宗習陰教志  
方外並厲比長防奇襄又况土有宜田有賦材  
有美工有巧亦卽均人士均平其征虞衡攷工  
申其禁云爾外此古蹟有志藝文有志墓銘有  
志寺觀有志至矣哉如土訓之掌圖也如誦訓  
之掌書也如冢人崇爵等也如春官嚴次邸也

他若傳疑之志祥異之志聖七乎若卜筮以人  
占天平懍懍乎若既祲以天占人乎及終之日  
雜識外紀此殆行人屬象胥論音聲外史掌書  
名達四方綜貫靡遺矣昔朱子云周公作官禮  
天理爛熟於胸中然則今之承斯舉者不宜有  
見於損益之正哉爰筆次管窺以塞邑人士之  
請後之覽者或有感於斯序

大清同治七年歲次戊辰夏五穀旦

欽加知州銜署湖南直隸郴州桂陽縣事藍山縣

知縣加一級經州孫光燮撰

明舊志序

朔方曹瑛邑人

邑志之作所以志是邑之文獻也將使官是邑者知所以修其政居是邑者知所以事其事欲有爲於是邑者不必身履其地而亦知所以處之其所繫誠大矣國家化行百五十餘年文教大興凡天下都邑莫不有志海宇文明之盛固足徵已桂陽僻在天南生齒版籍僅儕下邑而文物之美亦往往埒於名邦但其地在五嶺之中世不能無兵革之變而掌故之存須亟耳若

桂陽縣志

舊序

夫山水之所聚風氣之所鍾則昔人緒論尙有可考蓋桂陽實古郴縣地今亦爲郴之屬邑韓子贈柳人之序曰衡之南八九百里地益高山益峻水清而益駛則桂陽今日之山水大抵然也又曰清淑之所鬱積必有魁奇忠信才德之民生其間則桂陽今昔諸賢亦實有之邑之爲邑如此又安可以無志正統間魏守袁公修郴陽志邑僅附錄蓋未有特志之者斯亦畧矣今日之志庸可闕乎是故志地理所以別境土之

殊也志風俗所以著教化之修也志公署所以明國體之重也志官制所以列職業之詳也志人物所以見邑產之盛也志食貨所以見民生之休戚也志宮室以昭廢興之迹志方外以警趨向之偏志經畧以審安危之機皆不可畧也若夫一邑之封域則貌一總圖於前城市之規制則貌一小圖於次又將使觀者因畧而得詳焉豈敢苟然哉珺生是邑有志乎是以久矣茲因歸田始僭成之然以一人之見而創一邑之大

桂陽縣志

舊序

典誠有未備後之君子與予同志續而廣之則是邑文獻之美亦可與大國之聲華輝映無窮矣

又序

明翁繼榮教諭

桂陽縣志成邑侯南峯楊子以榮執筆從諸君之後當有言末簡榮曰凡志之義夫人能言之矣桂陽縣志桂陽文獻之所自章也政教俗尚之所自新也斯志古無刻也今州守可亭葉先生蒞任首舉乎此文移猥及於榮值吾閩督學

憲副蕪山范公家居未起乃借諸士大夫往質之公曰龍山翁子昔於余求古三山志之篤其知務矣今志之修其龍山子乎乃屬於榮先是桂山曹大夫致仕歸曾編次成帙欲刻未果至是其子鄉進士直出以示榮乃得所依據刪繁就簡襲舊成終而殫思集慮稽古証今拳拳然補偏救弊之意得諸蕪山居多惟天下之務周官六典盡之矣因類分六篇復爲雜志以收未盡之蘊每篇目首皆揭桂山所云榮亦續以管

見雖詞涉譎陋而淺近易曉洵恐不足爲俗尙之激勵則有負於民不足爲政教之勸戒則有負於官不足以揄揚文獻之盛美則有負於卿士大夫榮蘄得免於斯責焉已爾夫天下之勢其所由來罔不有漸文獻之不可無徵也政教之不可不修也俗尙之不可不端也獨桂陽哉苟不乘其所趨先時而力挽之未有能回之者矣是以不揣固陋輒敢附數語於末云

志何昉乎昉於夏書畫九區以制貢則三壤以定賦是也昉於周禮司徒立法以辨土宜職方掌圖以知利害是也古者一國有一國之志太史採風以觀土俗之美惡以考政治之得失率於此取焉今合天下十五國而計之楚地最大洞庭介其間湖之南爲秣若州者九惟郴在極南最高之地所轄邑五桂陽居一然則志楚而郴在其中矣志郴而桂在其中矣楚有全志郴有專志桂奚必志曰非然也惟楚與郴皆有志

而桂愈不可以無志夫郴居楚之上游凡隸於郴者大抵皆邊徼阨塞荒僻之邑耳而桂則襟帶粵東咽喉江右蠻蜒犴獯實偏處此崇山峻嶺幽谿深谷土地異宜民生其間者異俗且被兵日久土著流亡而異鄉之民錯雜乎其中爲吏者撫此予遺其疾苦有不勝問者方今

國運恬熙惟休戚生聚是圖爲

朝廷守土牧民四境之內猶一家也若者宜先若者宜後其設施之輕重次第必周知而熟察焉

舍志何以考之民譽承乏待罪茲邑已歷五載  
足跡所經山川幾遍矣心口所瘁俗宜稍辨矣  
茲當承平之會土宇版章職守繫之其何敢不  
按圖以獻凜

天威於咫尺乎是志也編始封域而星野繫之觀天  
察地重所守也臨民出治必先定其規模故繼  
之以營建有土有民則惟正之供國計所關故  
繼之以賦役教不行無以正人倫而勵風俗故  
學校與風土相次而志之守斯土撫斯民王臣

桂陽縣志

舊序

五

蹇七所最重也則志職官人才之生繫乎國  
運不可少也則志選舉名德之彥實爲地靈不  
易得也則志人物封疆險隘弗思固吾圉乎則  
志武備由是而人物風華亦彬彬可觀矣故以  
藝文終焉計其類凡十爲卷六志止矣非云記  
載既詳亦得其厓畧云爾若夫綜貫條綱興起  
教化成厥大觀請以俟後之君子

又序

沈

玘知縣

余忝牧茲土於今三年矣時值軍務旁午百責

交瘁蟲蝗澇旱屢歲繼之日夕焦勞幾無寧晷  
思以仰答

上命俯愜民情尚不可得遑及文事以爲吏治重今  
聖天子恩威遠播海內乂安乃加意文教勅令詞林  
纂修信史昭示天下萬世以光一代隆典而邇  
邑之志皆必採而登之桂陽雖屬偏邑風土人  
物夙有成書任其廢闕則司牧之責也前任盛  
君來初遍集殘簡廣摛遺碑桂志既已輯成余  
檢閱志中先後纂修字義多舛訪之故老皆云

桂陽縣志

舊序

六

前刻遺漏間有未備復遭兵燹毀壞余是以不  
揣謏陋妄爲續貂捐貲覓梓庀材公所集我同  
志紳士各竭心力剝落者新之廢失者補之原  
刻列前續刊附後顏曰續志示不專也後有賢  
達繼起增廣而修明之庶幾爲合乘一助云

又序

范克慧 邑廩

邑之有志猶國之有史也史之美循良者莫如  
漢漢制出爲民牧然後入爲臺省蓋以縣令與  
民最親民間之風謠既悉無不可以上告天子

我桂自

國朝以來疆圉初復盜賊蹂躪流離未起邑之風  
土人情凋敝甚矣我侯沈公來自會稽蒞政三  
載勞來安集化行俗善歲辛酉覽桂之風土人  
物視前加進爰慨然曰是不可不取前志而重  
訂迺於其美者彰之微者闕之疑者闕之訛者  
正之閱時而志成夫當師行餉繼之日類有急  
催科而不遑撫字急撫字而不遑哀集以示風  
勵者我侯節凜四知刑清政簡俸裁耗革猶且

桂陽縣志

舊序

七

勉力解囊以繕厥事桂何幸而沐侯用心之周  
不憚勤勞若此也用是體纂修之意爲之共襄  
斯舉披圖考校之餘宛然見我侯之才之德觀  
政之成卽將入爲臺省而吾邑風土人情可以  
入告也已

又序

凌

魚知縣

古者內史掌邦記外史掌四方之記公侯伯子  
男之國皆立史猶今之省州邑各有志志具  
版圖因事縷書近於紀傳貢於職方以備輯新

之所採擇凡一方之山川形勢戶口土田以及  
禮樂典章官師人物胥於是存之用昭信釋疑  
旌淑別慝使蒞斯土者識民情向背之所在而  
張弛得其施生是邦者知國家政教之所彰而  
遵循善其俗典至鉅也桂陽宋元以來未有志  
至明嘉靖二年鄉先達廣州刺史曹桂山珺始  
剏爲之其後邑教諭翁繼榮朱經濟陸續纂修  
規模畧具獨恠桂陽在楚南雖屬邊徼自濂溪  
過化而後流風餘韻至成化宏治間人才號稱

特盛何以有元一代將及百年之久勛名科第  
渺無一二堪傳卽名宦貴游亦落匕不少概見  
蓋書缺有間矣嘉靖而後迄於明季中更兵燹  
居民遷徙流離志板幾同秦燼未有過而問焉  
者我

國朝康熙甲寅嘉興盛令廣諮博採迺得舊志而  
重輯之時值滇藩之變軍旅倥偬止求什一於  
千百故多遺闕康熙辛酉會稽沈令稍有補綴  
未成完書棗梨之壽幾何蠹蝕鼠侵剝落模糊

大半不可識認至今又將八十餘年矣倘更復因循並此殘篇腐簡都歸漸滅文獻無徵職誰之咎予自壬申初夏抵任後都人士卽以此事前致詞予以事有急於此者未有以應越二年政事稍通訟庭多暇紳士前請乃進而告之曰志者誌也秉筆者若承訛踵譌附蔓牽枝則隣於妄意見橫出議論翻奇則涉於誣去取不公緇黃莫辨則同於枉蟲鳴蛙響瑣語詹言則病於俚有一於茲無以爲志矣紳士幸不河漢余

言寸楮片毫並存矜慎予於校讎之下雖間附己意要皆遠不漏實近不摭浮錄不緣私遺不受怨務求免乎前所云四者之譏肇端於甲戌初夏告竣於乙亥季春爰弁數言於篇首俾後之覽斯志者酌情以敦教率典以回風若者宜先圖若者當後慮若者宜觀法若者當創懲洞悉乎古今運會升降之由以漸復乎昔日聲名文物之盛或不無小補云爾乾隆二十年歲次乙亥桐月上澣之吉知桂陽縣事番禺凌魚西

波題並書

又序

常慶知縣

古者太史觀風以辨民俗輶軒所經雖山川恒資其記載耳目所及卽俚諺亦供其諮詢故採十五國里巷之風謠遂登億萬年不刊之惇史蓋自九區之分三壤之則剞於夏書土宜之辨職方之司成於周禮而志以昉焉然則欲稽風俗之駁純考政教之得失激揚寓而觀感興舍志奚取哉桂陽縣志修於乾隆乙亥年間較前

桂陽縣志

舊序

十

志雖畧美備第歷年既久不見殘於鼠侵卽致嘆於蠹蝕且以桂邑地近五嶺山峙水渟清淑之所鬱積詩書之所涵濡科名蟬聯人材輩出地靈天挺繼起者亦不乏人而邈七六十餘年中書缺有間紀載弗及卽文獻所以無徵余蒞桂邑八載於茲與民最親則採擇尤稔每欲收拾先後遺文網羅今昔軼事重加裒輯顧年來公務旁午鮮有餘閒志竟未遑會

上憲纂修湖南通志檄州縣蒐輯新舊事蹟以聞

余以爲一方之風土人物政治文章莫詳於志  
乘欲括通志必先修縣志爰與鄉先達江西糧  
道周玉圃先生捐資爲倡重加纂集延請諸生  
董率其事迺殺青未汗皇華見賡因疏其應增  
應刪各事實屬署任丁公煦以劬勤之越八月  
公旋是時志板尙未付梓急取藍本詳譯之見  
夫綜貫條綱旌別淑慝言無詹瑣事有實徵前  
志之訛漏者至此而益釐正後賢之泯晦者至  
此而更表彰披圖按覈之下不啻洞若觀火焉

惜經費不濟不能卽付剞劂諸生請序於余余  
不獲以不文辭綴數言弁其簡端以俟後之官  
斯士者有所考焉若夫才擅金匱選窺石渠有  
休文伯起之明備無子京永叔之簡畧則余豈  
敢

嘉慶二十二年歲次丁丑冬月上澣知桂陽縣  
事北平常 慶序

又序

丁 煦知縣

乾隆癸卯甲辰乙巳間先伯父沂遵公作宰桂